

NË EMËR TË POPULLIT

GJYKATA THEMELORE NË GJILAN, Departamenti i Përgjithshëm, përmes gjyqtarit të vetëm gjykues Behar Ymeri, me sekretaren juridike Igballe Azemi, në lëndën penale kundër të akuzuarit S. S. nga Gj., për shkak të veprës penale Vjedhje e shërbimeve komunale nga neni 320 të KPRK-s, sipas aktakuzës së Prokurorisë Themelore në Gjilan-Departamenti i Përgjithshëm, PP.II.nr. 173/2016, të datës 26.01.2016 të cilën e përfaqësonte Prokurori Kujtesa Fazliu, pas mbajtjes së shqyrtimit fillestar dhe publik, më datën 26.10.2016, mori dhe publikisht shpalli këtë,

A K T G J Y K I M

I pandehuri S. S., nga i ati M., e ëma Z., e lindur J., i lindur ..., në fsh. Sh., me vendbanim në Gj. Lagja "...", Rr..., nr..., ka të kryer ..., ... në shkollën ..., i martuar-baba i ... fëmijëve, i gjendjes ekonomike të mesme, shqiptar, shtetas i R. Kosovës, më parë i pa dënuar dhe nuk udhëhiqet procedurë për vepër tjetër penale.

Ë s h t ë f a j t o r

Sepse më datë2015 objektin e tij në Gjilan, në rrugën ... rruga e ... nr. ..., i pandehuri me qëllim që vetit ti sjellë përfitim të kundërligjshëm pasuror, nga rrjeti i të dëmtuarës KEDS Distrikti në Gjilan, ka shfrytëzuar në mënyrë të pa autorizuar energjinë elektrike në atë mënyrë që në njehsorin elektrik ka vendosur një shirit filmik në anën e majtë të drejtimit të diskut, duke e penguar punën e diskut, me çka është pamundësuar regjistrimi i shpenzimeve të energjisë elektrike, në këtë mënyrë i pandehuri me veprimet e veta të dëmtuarës KEDS, Distrikti në Gjilan, i ka shkaktuar dëm material në shumë prej rreth 232 €.

me çka ka kryer veprën penale vjedhja e shërbimeve komunale nga neni 320 të KPRK-s Andaj, gjykata në bazë dispozitës së lartcekur ligjore dhe neneve 4, 41, 50, 51, 73 dhe 75 të KPRK, si dhe nenit 365 të Kodit të Procedurës Penale (KPP), të akuzuarit i shqipton,

DENIM ME KUSHT

Të akuzuarit S. S., i shqiptohet dënim kumulativ me gjobë në shumë prej 300 (treqindë) euro dhe denim me burgim në kohëzgjatje prej 100 (njëqindë) ditë, të cilat dënime nuk do të ekzekutohen, nëse i akuzuari në periudhën verifikuese prej 1 (një) viti, duke filluar nga dita e plotfuqishmërisë së këtij aktgjykimi, nuk kryen vepër tjetër penale.

Obligohet i akuzuari të paguaj shpenzimet e procedurës penale sipas llogarisë përfundimtare të Gjykatës si dhe paushallin gjyqësor në shumë prej 30 (tridhjetë) euro, të gjitha këto në afat prej 15 ditësh nga dita e plotfuqishmërisë së këtij aktgjykimi, nën kërcnim të përbarimit të dhunshëm.

A r s y e t i m

Prokuroria Themelore në Gjilan, Departamenti i Përgjithshëm, ka ngritur aktakuzën e lartcekur ndaj të akuzuarit S. S. nga Gjilani, për shkak të veprës penale Vjedhje e shërbimeve komunale nga neni 320 të KPRK-s.

Në shqyrtimin fillestar dhe publik, të mbajtur më datën 26.10.2016, Prokurori i Shtetit, Kujtesa Fazliu, ka mbetur në tërësi pranë aktakuzës së paraqitur, duke i propozuar gjykatës të akuzuarin ta shpall fajtor dhe ta dënojë sipas ligjit.

I pandehuri S. S. deklaron: e ndijë veten fajtorë, pendohem për këtë vepër, më herët nuk kam kryer vepra tjera penale, i premtoj gjykatës që në të ardhmen nuk do të kryejë vepra tjera penale, dëmin e

shkaktuar ia kam paguar në tërësi të dëmtuarës KEDS-it dhe e lus gjykatën që të ma shqiptoj një dënim sa më të butë

Në fillim të shqyrtimit fillestar pas leximit të aktakuzës nga ana e prokurorit, i akuzuari S. S. ka deklaruar e pranojë fajësinë për kryerjen e veprës penale e cila më vihet në barrë sipas kësaj aktakuze.

Gjyqtari i vetëm gjykues, pas dëgjimit të prokurorit, konstatoi se janë përmbushur të gjitha kushtet ligjore, nga neni 248 paragrafi 1 të KPP për pranimin e fajësisë, ngase i akuzuari e kupton natyrën dhe pasojat e pranimit të fajit; se pranimi është bërë vullnetarisht nga i akuzuari; se pranimi i fajit mbështetet në faktet e çështjes që përmban aktakuza, si dhe aktakuza nuk përmban asnjë shkelje të qartë ligjore ose gabime faktike nga neni 253 të KPP.

Andaj, duke u bazuar në këto që u ceken më lartë, gjykata e vërtetoi këtë gjendje faktike :

Se i akuzuari S. S., ka kryer veprën penale Vjedhje e shërbimeve komunale nga neni 320 të KPRK-s, në kohën, vendin dhe mënyrën e përshkruar si në dispozitiv të këtij aktgjykimi.

Gjykata e shpalli fajtor të akuzuarin S. S., për shkak të kryerjes së veprës penale Vjedhje e shërbimeve komunale nga neni 320 të KPRK-s, ngase veprimet e të njëjtit i përmbajnë të gjitha tiparet e kësaj vepre penale dhe se për të njëjtën është edhe përgjegjës penalisht.

Me rastin e matjes së dënimit ndaj të akuzuarit S. S., gjykata i ka marrë për bazë të gjitha rrethanat që ndikojnë në llojin dhe lartësinë e dënimit sipas nenit 73 të KPRK, ku si rrethana lehtësuese, gjykata e ka marrë për bazë faktin se i akuzuari e ka pranuar fajësinë; sjelljen korrekte në gjykatë, se është penduar për kryerjen e kësaj vepre penale, më parë nuk ka kryer vepra penale dhe i ka premtuar gjykatës se në të ardhmen nuk do të kryej vepra tjera penale, ia ka kompensuar dëmin e shkaktuar të dëmtuarës, ndërsa rrethana rënduese dashjen për kryerjen e veprës penale, rrezikshmërinë shoqërore të kësaj vepre penale dhe dëmin e shkaktuar të dëmtuarës.

Sipas bindjes së kësaj gjykate, caktimi i dënimit kumulativ me kusht, ndaj të akuzuarit S. S., është dënim i drejtë, në harmoni me peshën e veprës penale dhe shkallën e përgjegjësisë së të akuzuarit, si dhe me këtë dënim do të mund të arrihet qëllimi i dënimit, nga neni 41 të KP, i cili konsiston në parandalimin e kryesit nga kryerja e veprave penale në të ardhmen dhe të bëjë rehabilitimin e tij.

Në kuptim të nenit 368 të KPP palët janë udhëzuar për të drejtën në ankesë, duke u paralajmëruar me rëndësinë e dënimit me kusht dhe kushtet të cilat duhet plotësuar që dënimi me kusht mos të revokohet duke u shëndrruar në dënim efektiv.

Vendimi mbi shpenzimet e procedurës penale, si dhe paushallin gjyqësor është marrë në bazë të nenit 450 paragrafi 1-3 të KPP.

Për arsyet e lartcekura u vendosur sikurse në dispozitiv të këtij aktgjykimi.

**GJYKATA THEMELORE NË GJILAN,
Departamenti i Përgjithshëm
P.nr. 167/2016, Më 26.10.2016**

Sekretarja juridike,
Igballe Azemi d.v

Gjyqtari
Behar Ymeri d.v

KËSHILLA JURIDIKE : Kundër këtij aktgjykimi mund të paraqitet ankesë në Gjykatën e Apelit në Prishtinë, në afat prej 15 (pesëmbëdhjetë) ditëve nga dita e pranimit të njëjtit. Ankesa në kopje të mjaftueshme i dorëzohet kësaj Gjykate Themelore.